



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Vita B. Francisci Xaverii

Torsellini, Orazio

Coloniae Agrippinae, 1610

III. Mortuam puella[m] ab inferis excitat, leprosum sanat.

urn:nbn:de:hbz:466:1-42323

ibus, impensius faueret. Franciscus ergo Rege deinde adito, præparatas nactus aures, nullo negotio eum adduxit, ut Christianæ religionis suscipiendæ veniam suis popularibus daret. Facta potestate, Bonziji duo, aliique Iapones complures, ad Christi fidem adiuncti. Paucorum mensium spatio ciues amplius centum, libentibus quidem propinquis, Christiani facti. Quos interiore cura instituens Xauius, cum Iaponicas literarum notas verbis, ut diximus, difficiliore nondum teneret, nostræ fidei capita in Iaponicam conuersa linguam, nostratibusque literis consignata, ipsemet tradebat neophytis de scripto pronuncians. Inde ex nepphytorum numero nonnullos in Indiam destinat, ingenuis disciplinis in Goano Collegio instruendos; ut bonis deinde artibus ac moribus exculti, suis popularibus plus non solum admirationis, sed etiam opis, afferrent.

CAPVT III.

*Mortuam puellam ab inferis excitat,
leprosum sanat.*

MIRA subinde res & Christi gregem auxit Gangoximæ, & Francisci

no-

nomen illustrius fecit. Cangoximanus
 cuius erat honestus ac diues, sed à Chri-
 stiana religione alienus. Huic dulcissi-
 mam filiola immatura mors subitò ab-
 stulerat. Itaque dolore amens, multa in-
 digna faciebat dicebatque. Conueniunt
 ad eum inter alios neophyti aliquot co-
 gnati amicique, solandi gratia, & funeris
 celebrandi. Qui acerbissimo necessarij
 sui gemitu eiulatuq; moti, eum hortan-
 tur, vt Franciscum Xauerium, virum san-
 ctum ex alio orbe, quàm primùm adeat,
 eius auxilium implorans: illum vtique
 vitam extinctæ puellæ redditurum. Haud
 ægrè ei persuasum. Ergo mœstus pater,
 desiderio filiaë stimulante, ad Xauerium
 accurrit: lacrymans rem exponit: suppli-
 citer orat, suæ vt orbitati ac solitudini cõ-
 sultum velit. Hic Franciscus, vicem illius
 miseratus, statim cum Ioanne Fernando,
 socio & comite suo, recipit se ad oran-
 dum Deum. Exinde gaudio alacer sur-
 git, hominemq; bono animo esse iustum
 dimittit, filiam eius viuam esse confir-
 mans. Mouit ea vox iram barbaro, qui
 modò filiam haud dubiè exanimem re-
 liquisset. Quocirca seu quòd ipse men-
 dacij quodammodo argui, seu quod Fran-
 ciscus ab eius tecto abhorrere videretur
 indignabundus recessit. Domum rep-
 teat

tenti domesticus puer occurrit, puellam
 viuere ac valere nuncians. Itaque pater-
 familias, repente mœrore in gaudium
 verso, domum properat, reducem ab in-
 feris filiam videre festinans. Quam ut
 conspexit, suis vix oculis credere: manan-
 tibusq; gaudio lacrymâs, sciscitari ex ipsa
 qui tandem redisset ad vitam? Respon-
 det illa, sibi vita functæ terribilissimos satel-
 lites præstò fuisse, qui protinus correptâ
 deturbatum irent ad horrenda ignibus
 loca: cæterùm repente dños egregios ad-
 fuisse viros, quorum beneficio ex satelli-
 tum manibus erepta extiterit à mortuis.
 Ad hæc parumper hæsit pater, stupore
 attonitus. Inde Xauerij profecto id esse
 beneficium sentiēs, puellam ad eum du-
 cit, grates acturus. At illa, Franciscum
 comitemque eius intuita, primo obstu-
 pit: mox ad patrem cōuersa succlamat:
 En, pater, hi ipsi sunt, qui me ab inferis
 excitarunt. Tunc ille cum filia ad Xau-
 rij genua prouoluti, obortis lacrymis
 grates ei agere cœperunt. Qui protinus
 manu alleuatos Christo Dei Filio, hu-
 mana salutis vindici, gratiam habere iu-
 bet. Nec frustra tantum miraculum fuit.
 Vita vni puellæ reddita, compluribus sa-
 lutem peperit animorum. Quippe pater
 & filia, cæteri que domestici, ad Christi

O

aggre-

aggregati. Et hoc exemplo alij ad implorandam Xauerij opem, Christi que fidem experendam, accensi. Inter quos leprosus fuit honesto loco natus. Hic certum hominem ad Franciscum allegauerat, rogans ut ad se curandum accederet. Et ille legatione benignè audita, occupationes excusans, eò vnum ex comitibus suis miserat, monitum quid facto opus esset. Is igitur ægrum, ex Francisci præscripto salutatum, ter interrogat, num fieri velit Christianus? annuentem manu in crucis morem ducta protinus signat. mira dictures: subito crux lepram absterfit. Quocirca ille Christianis præceptis imbuitur, ac deinde baptismo lustratur. Hæc in Cangoximæ ciuitatis oculis gesta, cum alij, tum Vincentius Pereira Lusitanus Nauarchus in India Francisci Socijs enarrauit, grauis quamuis magnæ rei auctor, idemque Xauerij, ut proditur, familiaris.

CAPVT IV.

De Antonij Criminalis martyrio cognoscit.

LÆTVM rei Christianæ successu Xauerium haud leui dolore affecerunt. Literæ eisdem ferè diebus ad eum ex In-